

**YR AELOD CABINET
DROS FATERION GWLEDIG A PHOLISI CYNLLUNIO**

14 MAWRTH 2023

YN BRESENNOL: Y Cynghorydd C.A. Davies (Aelod o'r Cabinet)

Roedd y swyddogion canlynol yn bresennol:

M. Pemberton, Cydlunydd rhaglen Leader;
L. Morris, Swyddog Trefi Marchnad Gwledig;
J. Owen, Swyddog Gwasanaethau Democrataidd.

Swyddfa Aelod Cabinet, Neuadd y Sir, Caerfyrddin, SA31 1JP: 10:00yb - 10:15yb

1. DATGANIADAU O FUDDIANT

Ni chafwyd dim datganiadau o fuddiant.

**2. CYMORTH ARIANNOL O'R CRONFEYDD GRANTIAU CANLYNOL:
CYLLID CYFALAF 10 TREF SIR GÂR**

Bu'r Aelod Cabinet yn ystyried adroddiad ar Gymorth Ariannol o Gyllid Cyfalaf y 10 Tref mewn perthynas ag 1 cais gan Gyngor Tref Llanymddyfri. Dywedwyd mai nod y cyllid oedd cefnogi gwelliannau i economi twristiaeth ac ymwelwyr Llanymddyfri fel rhan o'r rhaglen 10 Tref.

Roedd yr adroddiad yn gofyn i'r Aelod Cabinet gymeradwyo'r cais am gyfanswm cyllid o £60,681.08 a atodir i'r adroddiad yn Atodiad 1.

Nododd yr Aelod Cabinet fod datblygu pecyn o brosiectau gwella twristiaeth i gefnogi twf y dref wedi cael ei nodi fel un o brif flaenoriaethau Llanymddyfri. Yn ogystal, roedd y cyfleoedd a oedd yn cael eu cynnig yn sgil cynnal Eisteddfod yr Urdd yn Llanymddyfri yn golygu y byddai'r prosiect yn cael ei gyflwyno'n raddol er mwyn sicrhau bod yr elfennau gwella twristiaeth, fel y nodwyd yn y cais, yn cael eu cwblhau'n amserol i fanteisio ar y nifer fawr o ymwelwyr a fyddai'n dod i'r ardal yn ystod wythnos yr ŵyl.

Dywedwyd bod y cyllid yn amodol ar yr amodau canlynol:-

- I. Cymeradwyaeth Caniatâd Heneb Gofrestredig gan CADW;
- II. Caniatâd hysbysebu gan Gyngor Sir Caerfyrddin;
- III. Fel y nodwyd yn yr adroddiad, roedd lwfans wedi cael ei roi yn seiliedig ar drafodaethau â'r cyflenwr yn ymwneud â dylunio a gwaith ychwanegol i gynnwys canllaw yn y castell, yn unol â'r cais gan CADW a Chyngor Sir Caerfyrddin;
- IV. Gosod cyfyngiad cyfreithiol ar Y Gannwyll yn unol â gweithdrefnau Cyngor Sir Caerfyrddin.
- V. Ffurfioli'r brydles rhwng Cyngor Sir Caerfyrddin a Chyngor Tref Llanymddyfri ar gyfer datblygiadau'r castell.

**PENDERFYNWYD, yn amodol ar roi'r amodau uchod ar waith, gymeradwyo'r
cais canlynol am Gyllid Cyfalaf y 10 Tref fel y nodir yn Atodiad 1 yr
adroddiad;
Cyngor Tref Llanymddyfri - Cyfanswm Gwerth = £60,681.08**

AELOD O'R CABINET

DYDDIAD